

## Kigbanj ki Pɔɔl ηmee ki tii TAITUS na

<sup>1</sup> Min Pɔɔl, m ye Uwumbɔr aatutunn, ki ye Yesu Kristo aakpambal, ke m ter Uwumbɔr aah nyan binib bi na ke bi gaa u ki kii, ki bee waabɔr ti gbii na. Waabɔr ngbaan ter bi, ke bi li bi waah ban pu na. <sup>2</sup> Waabɔr pu le bi kpa limakl ke bi ga li kpa limɔfal li kaa kpa ndoon na. Uwumbɔr u kaa mɔni inyamɔn na, uma le nan puu tipuur n-yaayoonn na, ke u ga tii timi limɔfal ngbaan. <sup>3</sup> Naah nan ηeer na, le uma Uwumbɔr u gaa timi lii na kpiir limɔfal ngbaan aabɔr, ki tuk mi ke m li chuun mooni ti.

<sup>4</sup> M bi ηmee kigbanj kee m tii si Taitus u ye maabo bamɔnn Yesu Kristo aasan ni na. Tite Uwumbɔr ni Yesu Kristo u gaal timi lir na ηa tinyoor ηa aa pu, [ki san si kinimbaak,] ki tii si nsuudoon.

### *Taitus aah tun lituln li Krete aatiη ni na*

<sup>5</sup> Tɔ, m cha aa bee Krete aatiη ni ke aa tun lituln li kaa kee tun na, ki lee binib bi ga li ye Yesu aanib aaninkpiib ntim mɔmɔk ponn ni na. <sup>6</sup> Aa lee bijab bi kaa kpa taani ubaa, ki kpa upii ubaabaa, ki kpa mbim bi gaa Yesu ki kii, kaa ηani bakaa, kaa ye tafalaarjundam na. <sup>7</sup> Uwumbɔr aanib bi baaninkpel aarjaal ni la, nima pu le ni ηan ke u taa li kpa taani ubaa, ki taa li tun uma ubaa aageehn, ki taa li ye lijuuldaan, ki taa li ye udagbiir, ki taa gbaa binib; unimbil taa li man ηimombil pu. <sup>8</sup> Ni ηan ke u li ye unii u channi bicham tichann na, ki li gee lituln li ηan na, ki li kpa laasaab, ni mbimbinyaan, ki li bi chain, ki li chur ubaa, <sup>9</sup> ki li joo taah nan tuk u tibɔnyaan ti ye Uwumbɔr aabɔr bamɔnn na, aan ki mɔk binib mmɔkm mu ηan na, ki pɔɔk

bitaakpab, ki len tibor ki nyarj binib bi kpak u kinikpakpak na.

<sup>10</sup> Ba pu? binib pam le bi ki ye tafalaanjundam, ki len tibor yɔl yɔl, ki ɲmanni binib. Juu yaab ponn ni bibaa le ɲani kina ki jer biken na. <sup>11</sup> Ni ɲan ke aa cha bi ɲmin; ba pu? bi mək binib mməkm mu kaa ba ye bi mək bi na, ki cha ɲidichal ɲibaa ponn ni aanib məmək yenn. ɲimombil pu, le bi ɲani kina. Naa ɲan. <sup>12</sup> Krete aatiɲ aanib ponn ni ubaa, u nan ye ulankpal na, nan bui ke, “Krete aatiɲ aanib ye binyaməndam n-yoonn məmək la. Bi naahn ipeel i kaa ɲan na la. Bi ye bigbanyakdam, ki ye bipuusakpendam.”

<sup>13</sup> Ulankpal ngbaan aah len pu na ye mbamən la. Nima pu na, kae bi mbaməm, aan bi li dii Yesu aasan chob, <sup>14</sup> ki taa gar Juu yaab aatiin, ki taa gar binib bi yii Yesu aabɔnyaan na aaməkm. <sup>15</sup> Tiwan məmək bi chain binib bi bi chain na chee la. Binib bi kaa bi chain, kaa gaa Yesu ki kii na, tiwan nibaa aa bi chain ki tii bi. Baalandak mu aa ɲan. Baa ki nyi lituln li ɲan na, ni li kaa ɲan na. <sup>16</sup> Bi len ke bi nyi Uwumbər, le baah tun pu na mək ke baa nyi u. Uwumbər aa gee baah ɲani pu na. Baa kii waaməb, kaa ɲmaa tun litunyaan libaa.

## 2

### *Mməkm bamənn*

<sup>1</sup> Sin ma kan, mək binib mməkm mu ɲan na. <sup>2</sup> Tuk bininkpiib ke bi li chur bibaa tiwan məmək ni, ki ɲeer kipak, ki li kpa laasaab, ki li dii Yesu aasan chob, ki li gee binib, ki li kpa limər. <sup>3</sup> Tuk bipininkpiib mu ke bi li san Uwumbər tiwan məmək ni, ki taa li ye binibiinib, ki taa li ye bidagbiib. Ni ɲan ke bi mək mməkm mu ɲan na, <sup>4</sup> ki mək bipininkpisapəm ke bi li gee bichatiib ni baabim, <sup>5</sup> ki li kpa laasaab, ki taa gər kidagook, ki li lik lichiln ni aatuln mbaməm, ki li kpa tibulchinn, ki li keei bichatiib aaməi, aan ubaa taa bii Uwumbər aabər.

<sup>6</sup> Sur binachipɔm mu ke bi li chur bibaa. <sup>7</sup> Sin aabaa mu li ɲani tiwan mɔmɔk chob, aan ki li ye limɔkl ki tii biken. Tuk binib Uwumbɔr aabɔr mbamɔm, ki li kpa laasaab. <sup>8</sup> Li len iliin i bi chob kaa kpa ngalm na, aan udin ubaa taa ɲmaa bii timi. Nima kan, inimɔɔn ga chuu u.

<sup>9</sup> Tuk binaagbiib ke bi li keei bidindatiib aamɔi, ki piir bisui tiwan mɔmɔk ni, ki taa kpak bi kinikpakpak, <sup>10</sup> ki taa su baawan, ki li bi mbamɔm tiwan mɔmɔk ni. Bi yaa bi kina kan, baabimbinyaan ga mɔk binib ke Uwumbɔr u gaal timi lir na aasan le ɲan.

<sup>11</sup> Ba pu? ti kan Uwumbɔr aah kpa tibulchinn pu na. Waabulchinn pu le binib mɔmɔk ga ɲmaa ɲmar. <sup>12</sup> Waabulchinn mɔk timi ke ti yii lituln limɔk kaa ɲan na, ki taa ki dii tiwan ni kaa ɲan na aakpeek, ki li chur tibaa mbamɔm, ki li dii mbamɔm, ki li bi Uwumbɔr aah ban pu na dulnyaa wee ni. <sup>13</sup> Ti kpa limakl li tii timi mpopiin na. Ti kii bundaln ti ga nan kan li na. Taah kpa limakl li na le ye ke timi Aawumbɔr sakpiin, Yesu Kristo u gaal timi lir na, ga gir ni ki nan nyan waah nyuun pu na mpaan pu. <sup>14</sup> U nan kpo ti pu ke u gaa timi lii ki nyan timi titunwanbir mɔmɔk ni, aan ti li bi chain, ki li ye waanib, ki li ye binib bi aanimbil man ke bi tun litunyaan na.

<sup>15</sup> Uwumbɔr aah tii si tininkpir pu na, tuk binib tibɔr timina, ki pɔɔk bitaakpab, ki sur bi, ki taa cha ubaa lik si fam.

### 3

#### *Yesu Kristo aadidiir aabimbin aah ye pu na*

<sup>1</sup> Teer bi ke bi li pak kitij aayidam, ni binib bi kpa tininkpir na, ki kii baamɔi, ki gor ke bi tun litunyaan mɔmɔk, <sup>2</sup> ki taa bii unii ubaa, ki taa kpak binib kinikpakpak. Bi li kpa kijɔtiik binib biken chee, ki li bi suuna binib mɔmɔk chee. <sup>3</sup> N-yoonn mbaa timi tibaa nan ye bijɔrb, kaa

kii Yesu aaməb. Kinimbəŋ nan ŋmann timi la. Tinimbil nan man tiwan ni kaa ŋan na aabəŋ pu. Tisui aah gee tiwan ni na le ti nan ban. Ti nan gee baka baka aatuln, ki nan kpa lipiipoln, ki nan ye binib bi ubaa aa gee bi na, ki mu nan nan təb. <sup>4</sup> Le Uwumbər u gaal timi lir na mək timi waah kpa tibulchinn ki gee timi pu na, <sup>5</sup> ki gaa timi lii. Naa ye timi aatunyaan pu le u gaa timi lii, waanimbaasaln pu le u gaa timi lii. Le Waafuur Nyaan gir ma timi, ki tii timi liməfaləln, ki finn tipobil ni. <sup>6</sup> Taah kpaan Yesu Kristo u gaal timi lir na ni na, le Uwumbər ŋa timi tibulchinn ki tii timi Waafuur Nyaan. <sup>7</sup> Waabulchinn pu le u len ke timi aabər ŋan, ki tii timi limakl ke ti ga kan liməfal li kaa kpa ndoon na. <sup>8</sup> Tibər ngbaan gbii la.

M ban ke aa li tuk binib tibər ngbaan n-yoonn məmək, aan binib bi gaa Uwumbər ki kii na aatafal li bi litunyaan ponn ni. Nimina le ŋan ki kpa tinyoor ki tii binib. <sup>9</sup> Yii mbaan mu ye kijərk aabaan na, ki taa kpak kinikpakpak niyaaatiib aayimbil pu. Aa taa jaa kijaak, ki taa kpak kinikpakpak Uwumbər aakaal aatafaa pu. Nimina məmək ye fam la, kaa kpa tinyoor tibaa. <sup>10</sup> Unii yaa bi ki cha Yesu aanib yakr təb chee kan, aa sur u nfum mulee. U yaa kaa di cha kan, yii u. <sup>11</sup> Aa bee ke unii u bi kina na yenn a, ki tun titunwanbir. Uma ubaa aatunwanbir le mək ke waabər bii.

### *Kookoo aasurm*

<sup>12</sup> M yaa cha Atemas, bee Tikikus dan aa chee kan, pəən aabaa ki dan m chee Nikopolis aatiŋ ni; m ŋa nlandak nsui ni ke m ga li bi nima chee kakab yoonn. <sup>13</sup> Pəən aabaa ki ter Senas, u ye ubəjir na, ni Apolos, ke bi piin baasachuln, ki taa cha bi lann baasachuln aawan nibaa. <sup>14</sup> Ni ŋan ke Yesu aanib bae ke ni ŋan ke bitafal li bi litunyaan ponn ni, ki li ter binib bi ban nterm na, aan ki taa li bi fam.

<sup>15</sup> Binib bimək bi m chee na dooni si. Aa ti doon binib bi gaa Yesu ki kii ki gee timi na.

TAITUS 3:15

5

TAITUS 3:15

Uwumbər ɲa tinyoor ɲa ni məmək pu. [Aii.]

## Uwumbør aagbar Bible without Deuterocanon in Konkomba

copyright © 2014 Wycliffe Bible Translators, Inc.

Language: Konkomba

Translation by: Wycliffe Bible Translators

Contributor: Wycliffe Bible Translators, Inc.

### Copyright Information

© 2014, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Konkomba

**© 2014, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

